

B B020 AAB  
MAHATHIR - BRITAIN \* \* \*  
DARIPADA ABDUL RAHMAN SULAIMAN

(1)

LONDON, 25 JULAI (BERNAMA) -- DATUK SERI DR MAHATHIR MOHAMAD YANG MENGAKHIRI LAWATAN RASMINYA ENAM HARI KE BRITAIN GEMBIRA DENGAN HASIL KUNJUNGAN ITU YANG DISIFATKANNYA SEBAGAI +SANGAT BERJAYA.+

+PADA AMNYA, KITA MENDAPAT APA YANG KITA HENDAK CAPAI DARIPADA LAWATAN INI,+ KATA PERDANA MENTERI KEPADA PARA PEMBERITA MALAYSIA DI SINI.

DATUK SERI DR MAHATHIR YANG TIBA DI SINI ISNIN LALU TELAH MENGADAKAN RUNDINGAN DENGAN RAKAN SEJAWATANNYA DARI BRITAIN PUAN MARGARET THATCHER DAN PARA PEGAWAI KANAN BRITAIN, MERASMIKAN SEMINAR PELABURAN ANJURAN LEMBAGA KEMAJUAN PERINDUSTRIAN MALAYSIA (MIDA), BERUNDING DENGAN ANGGOTA INSTITUT DIRAJA MENGENAI HAL EHWAL ANTARABANGSA DAN MAKAN TENGAH HARI DENGAN ANGGOTA GABUNGAN INDUSTRI BRITAIN (CB), YANG DISIFATKAN SEBAGAI +SUARA KALANGAN PERNIAGAAN BRITAIN+.

DATUK SERI DR MAHATHIR, ISTERINYA DATUK PADUKA DATIN SERI DR SITI HASMAH DAN ANGGOTA ROMBONGAN JUGA MENEMUI PENGUSAHA PELANCONGAN TERKENAL BRITAIN DAN MENGHADIRI MAJLIS TAMAN RATU ELIZABETH DI ISTANA BUCKINGHAM.

ROMBONGAN PERDANA MENTERI TERMASUK MENTERI KERJA RAYA DATUK S. SAMY VELLU, MENTERI PERUSAHAAN UTAMA DATUK DR LIM KENG YAIK, MENTERI PERDAGANGAN DAN PERINDUSTRIAN DATIN PADUKA RAFIDAH AZIZ, MENTERI LUAR DATUK ABU HASSAN OMAR DAN TIMBALAN MENTERI SAINS, TEKNOLOGI DAN ALAM SEKITAR ENCIK LAW HIENG DING. -- LAGI.  
1517MST 25 07 87

B B022 AAB  
MAHATHIR - BRITAIN 2 LONDON \* \* \*

KATANYA +SETIAP MAJLIS KAMI MENDAPAT SAMBUTAN DENGAN DIHADIRI OLEH TOKOH PERDAGANGAN DAN PERINDUSTRIAN -- AHLI BANK, PELABUR DAN USAHAWAN TERKEMUKA.

PERDANA MENTERI BERKATA PADA KESELURUHANNYA, MEREKA YANG BELIAU TEMUI MENYEDARI BETAPA PENTINGNYA MENGEKALKAN HUBUNGAN PERSAHABATAN DAN RAPAT DENGAN MALAYSIA.

MEREKA TIDAK LAGI MAHU MENGAMBIL MUDAH TERHADAP MALAYSIA SEPERTI SEBELUM 1985 SEHINGGA MALAYSIA MENGAMALKAN DASAR +BELI BARANGAN BRITISH SEBAGAI PILIHAN TERAKHIR+.

+SAYA SUNGGUH PERCAYA INI ADALAH KEHENDAK SEBENAR MEREKA DAN KITA AKAN DAPAT LIHAT HASIL LAWATAN INI DENGAN JELAS TIDAK LAMA LAGI,+ KATANYA.

MENGENAI PERBINCANGANNYA DENGAN PUAN THATCHER, DATUK SERI DR MAHATHIR BERKATA MEREKA MEMPUNYAI PANDANGAN YANG SERUPA DALAM BEBERAPA ISU POLITIK DAN EKONOMI DAN +BERSETUJU UNTUK +TIDAK BERSETUJU+ BAGI YANG LAIN.

ANTARANYA IALAH DASAR BRITAIN MENGENAI AFRIKA SELATAN DAN PENDIRIAN LONDON YANG KEBERATAN MEMBERI HAK MENDARAT TAMBAHAN KEPADA SISTEM PENERBANGAN MALAYSIA (MAS) SEBAGAI PERKARA YANG DIPERSETUJUI. -- LAGI.

1525MST 25 07 87

B B028 AAB  
MAHATHIR - BRITAIN 3 LONDON R R R

DATUK SERI DR MAHATHIR BERKATA MALAYSIA MEMINTA DUA PENERBANGAN TAMBAHAN KE LONDON SEBAGAI TAMBAHAN KEPADA LIMA PENERBANGAN SEMINGGU SEKARANG TETAPI BRITAIN KEBERATAN MEMBERINYA.

SEMALAM PERDANA MENTERI DAN ANGGOTA ROMBONGANNYA MELAWAT MAKMAL PERALATAN CAMBRIDGE YANG MENGELUARKAN PERALATAN SAINS, PA TECHNOLOGY (SEBUAH FIRMA PERUNDINGAN TEKNOLOGI) DAN BRITISH AEROSPACE INDUSTRY DI HATFIELD, DI LUAR LONDON.

DI HATFIELD, BELIAU MEMERIKSA DAN MENYAKSIKAN DEMONSTRASI KAPAL TERBANG ATP YANG MALAYSIA DIKATAKAN BERMINAT MEMBELINYA BAGI PENERBANGAN DALAM NEGERI MAS.

PERDANA MENTERI BERKATA KOMITMEN MEMBELI KAPAL TERBANG ITU HANYA AKAN DIBUAT JIKA PENGELUARNYA MEMENUHI BEBERAPA SYARAT.

+SEBAGAI CONTOH KITA AKAN BERSETUJU JIKA BAHAGIAN-BAHAGIAN TERTENTUNYA DIBEKALKAN OLEH MALAYSIA,+ KATANYA. -- LAGI.  
1535MST 25 07 87

D823

B B029 AAB  
MAHATHIR - BRITAIN 4 LONDON R R R

PERDANA MENTERI MENEGASKAN BAHAWA AEROSPACE INDUSTRY OF MALAYSIA (AIM) BERMINAT DALAM PERKARA ITU (MEMBEKAL BAHAGIAN KAPAL TERBANG).

MENGENAI PELANCONGAN, BELIAU BERKATA PENGUSAHA PELANCONGAN BRITAIN MERASA MALAYSIA MEMPUNYAI POTENSI YANG TIDAK TERHAD BAGI PARA PELANCONG.

BAGAIMANAPUN, USAHA YANG LEBIH PERLU DIBUAT BAGI MEMBANGUNKAN POTENSI ITU BAGI MENARIK LEBIH BANYAK PELANCONG BRITAIN.

KIRA-KIRA 10 JUTA PELANCONG BRITAIN KE LUAR NEGERI SETIAP TAHUN DAN TIDAK ADA SEBAB MALAYSIA TIDAK BOLEH MENDAPAT BAHAGIAN YANG WAJAR DARIPADA JUMLAH ITU, KATA BELIAU. -- BERNAMA.

1537MST 25 07 87